

Johann Cothmann

**Rector Academiae Rostochiensis Johannes Cothman, S.S. Theol. D. & Prof. ac
Facultatis Senior Ad Exsequias Quas Puerulo Elegantissimo Heinoni Henrico
Varenio, filio suo unigenito ... Parentes parant Cives suos ... sedulo invitat**

Rostochii: Kilius, 1650

<http://purl.uni-rostock.de/rosdok/ppn777159856>


Druck Freier  Zugang




Cothman, J.,

in H. H. Varenius

Rost. 1650.





RECTOR
Academiæ Rostochiensis
JOHANNES COTHMAN,
S.S. Theol. D. & Prof. ac Facul-
tatis Senior

Ad Exsequias

Quas

Puerulo Elegantissimo
HEINONI HENRICO
VARENIO,

filio suo unigenito

Magna cum animi agritudine


PARENTES

parant,

Cives suos in Ædem Jacobæam ad
horam meridiei primam, sedulo
invitat.



ROSTOCHII,
Typis NICOLAI KILII, Acad. Typogr. 1650.



Ummota & inconcussa illa,
Abrahami fides, quæ obædientiâ &
constantiâ admirandâ, imperscrutabilis divinæ *δοκιμασίας*, in maclando & immolando filio UNICO, unicè Parenti charo, acerbiter, & ut ita loqui liceat, violentiam, superavit & devicit: illa inquam fides, effecit, ut solus Abraham, non saltem titulo multarum Gentium, sed & OMNIUM FIDELIUM PATRIS, sacrâ teste paginâ, insigniretur. Ad hunc sane, omnes omnium Reverendissimorum, Celsissimorum, Magnificentissimorum, Amplissimorum, Excellentissimorum &c. &c. tituli, non dicam erubescunt meritò, sed profus evanescent. Fides una, & sola, cruce non unâ divinitus probata, triumphat & æternum coronatur. Cæteris illis ambiciosus & plerumq; sine re, nominibus & infidèles & *ἄθεοι*, ubicunq; terrarum superbiunt, *φθιστὰς τεφάνω* miserè decepti. Tua vero fides, ô VARENI Abrahæ genuine fili, & propter hoc Academiæ nostræ decus eximium, fides tua, quam, BONUS noster JEHOVA, qui neminem tentat in malum, nunc sibi explorandam sumpsit, hoc ipso,

ipso, dum Unicum Filiolum, tibi tuæq; CHA-
RITATI unicè charum atq; dilectum, facit cli-
nicum, nec duntaxat clinicum facit, sed & mor-
bo epidemio, tormentis variis molestissimo, etiã
quibusq; fortissimis, eundem conficiendum &
extinguendum constituit. Tua, tertio inquam,
tua fides, qualem se hic præstabit, qualem se pro-
babit? vacillabitne, præ nimio mœrore, qui tuum
paternum, non jam augustum, sed angustum pe-
ctus occupat? credo equidem, per imbecillitatem
nostram tale quid accidere posse, siquidem non
sumus Abrami omnes, sed hoc scio, non deficiet
fides tua, cum sis Abrahæ filius, è numero
τῶν μὲν ἀπογεμῶν ἀλλ' ἐκ ἐξαπογεμῶν. Redeat itaq; &
prodeat in conspectum fratrum germanorum
tuorum; id est, Abrahæ filiorum, angustus tuus
animus, & cum augustissimo eodemq; Regum
afflictissimo Davide, post secessum filioli, (ad
quem tu, non ille ad Te redibit) omnes pectoris
angustias exulare procul jubeto. Sacræ quidem
scripturæ mos est, amarissimos & acerbissimos
luctus, sub personis unigenitum filium lugen-
tium describere, quale illud Jeremiæ: O filia
populi mei accinge cilicium, voluta te in cinere
luctum age UNIGENITI, planctum amarissi-
mum &c. tale quid apud Amos & Zacharia, lo-
corumq; alibi est legere: has vero sacras literas

cum à puero didiceris & in promptu habeas, possisq; ubi volueris haurire, quod quovis modo ad consolandum facere potest, ex utro placuerit Fontium, nos hic non erimus prolixiores, potius quæ genealogiæ filioli tui desideratissimi recensionem spectant, adponemus.

Natus est HEINO HENRICUS Anno 1649. 20. Julij, ipso ELIÆ incomparabilis illius Prophe-
tæ die, & 22. Julij, 9. post festū SS Trinit: Dom. per
Baptismum in album cæli candidatorum rela-
tus, nomen utriusq; Aviaccepit, sc. HEINONIS
HENRICI, Patrem habuit, AUGUSTUM
VARENIUM, SS. Theol. & Philosoph. Do-
ctorem, Hebraic. Profess. & Collegij Philos. p. t.
DECANUM, Collegam nostrum honoratissi-
mū, filiolum nunc unicū, parentis præclara pres-
surum vestigia, si Deo vitæ largitori unico ita vi-
sū fuisset lugentem. Matrem, vero CHARITATEM
CREGELIAM sexus sui prænobile decus, per-
charū filiolum charitate perpetua complectens.
Avum Paternū M. HENRICUM VARENIUM,
Ultzensis Ecclesiæ in Ducatu Luneburgico Præ-
positum, & vicinarum Superintendentem opti-
mè meritum, Apologeticis librorum ARNDII
de vero Christianismo Clarissimum: Aviam Pater-
nam ANNAM FREDERIANAM, B. JOHAN-
NIS FREDERICI SS. Theol. & Philos. D. & in hac

Aca-

Academia Prof. olim celeberrimi (ex MARGARETA, filia magni illius Davidis CHYTRÆI per quinquaginta annos in hac Academia D. & Prof. eminentissimi & MARGARITÆ Smedes/ natæ amplissimi viri Dn. LAURENTII Smedes/ magnorum meritorum & ordinis Senatorij in hac Civitate viri) filiam. Proavum & stemma paternum, altius adscendendo, habuit in Westphalia, ubi proavus JOHANNES VAREN civis & pistor: reliquiq; item Vareniani nominis, si non titulorum phantasiis eminentes; integri tamen, honesti, antiquæ virtutis & fidei (qui optimus titulus est) feruntur. Avum maternum habuit M. HEINONEM CREGELIUM Ecclesiæ Ultzensis nunc Præpositum & vicinarum Superintendententem vigilantissimum. Aviam matrem MARGARETAM Wilhelms/ HENRICI Wilhelms/ Reip. Ultzensis quondam Senatoris prudentissimi & negotiatoris florentissimi ex CATHARINA Altwins/ præclarorum stemmatum virtutumq; Matriona filiam, prædicti DN. M. HEINONIS CREGELII, CAIAM Fidelissimam, virtutibus sui sexus & status eminentissimam (ah quam triste his parvuli nepotis, quem una cum nepte ANNA MARGARETA sore p. defuncti suavissima, cui pariter nunc

decumbenti Deus adsit! sibi præsentem hac ætate pollicebantur, jam mortui nuncium erit!) Proavum Maternum habuit JOHANNEM CREGEL, oppidi *Waltzrade* in Ducatu Luneburg, quondam Consulem præclarissimum: Proaviam maternam ELISABETAM *Depenbrochs* / & stemmatis *Depenbrockiani* & virtutum nobilitate venerabilem & conspicuam olim Matronam. Satis, puto titulorum ad honestatem: sine qua tituli & stemmata vana sunt habenda simulacra. Ab hisce ergo prognatus, & *ex aqua Spiritu renatus* noster HEINORICUS, quas non, mæstissimis parentibus spes, quas non delicias, felicibus, vegetioris & firmioris uti, videbatur, corpusculi incrementis, amplexibus blandissimis, in ipsa balbutie, patris & matris nominibus, aliisque viscera parentum penetrantibus filialis affectus monumentis, fecit, quas non recordationes reliquit, charissimus Parentibus, gratissimus quoque aliis videntibus, Pusio? Sed rosa fuit, floruit, usque dum hæc paucorum mensium vita claudenda fuit.

Morbum quod attinet pro ut illum Excellentiss. & experientiss. Vir Dn. JOACHIMUS STOCKMANNUS Medic. D. Prof! Reip. Rost. Phys. celeberrimus, Dn. Collega noster venerandus, qui vigilantissima & prudentissima cura nullum boni Medici officium neglexit,

xii,


xit, ipse consignavit, sic se habet. Notum est
aliam aetatem aliis affectibus magis esse obnoxiam,
Et pueritiam variolis maximè Et Morbillis, qui ut
plurimum Epidemii Et maligni cum sint, non solum eo-
dem tempore multos adoriuntur, longe lateq; suo porre-
cto contagio, sed nō paucos etiam prematuro fato, acer-
baq; morte abripiunt ex oculis. Et complexu mœstissimorū
parentum. Atq; hac tanta Calamitas etiam viri Rev.
Et Excell. Dn. WARENII domum pro dolor, tetigit
dulcissimum filiolum tanquam tenerrimum flosculum
infelici sydere afflatum, ante diem extinxit: Etenim
die 13. Maji Epidemia grassante febre correptus de-
cumbere cepit Et paulatim emergentibus pustulis, usq;
in quartum diem, toto ebullitionis tempore sic satis
bene habuit; at in augmento sparsim intercurrentes
nigrae nonnullae papulae malignum Et mali moris Mor-
bum ostenderunt, Eumq; adeò difficilem curatum, ut
continuatīs Expertissimis antidotis praecaveri non po-
tuerit, quo minus prostratis viribus die 21. Ejusdem
mensis vitæ finem inferret. Tenera aetate, qua alias
congenita sorte cum corporis imbecillitate conside-
tur, prona ad omnes agritudinum eitervas, Et illarum
inprimis, quarum originem pleriq; medici adscribunt,
ex suspensa decimestri uterina Evacuatione, in fecto
sanguini, unde tam atrocis mali primordia in ipso
utero imbibuntur. Haecenus laudatus supra Dn.
D. STOCKMANNUS, Ita ergo die 21. Maij inter
ad-

adstantium suspiria & parentum ipsiusq; Avunculi Dn. ERNESTI CREGELII, LL. Studiosi solertissimi & industrii, supplicationes, *animulam sanctissimam placidissimo suspirio J. C. redemptori reddidit, idq; eadem fere $\sigma\gamma\mu\eta\ \chi\rho\acute{o}\nu\alpha$ s. temporis puncto, quo ante 10 menses in hoc mortalitatis theatrum infantulus prodiit, sc. post agonem in partu trihorii à tertia matutinà ad sonitum sextæ in hanc brumalem & paucarum horarum lucem prodiit, & post agonem trihorii cum morte pariter ad sonitum hora sextæ ex hac luce vel verius cruce ad veram lucem, & aternitatis diem charissima animula exiit.*

Vos Academiæ nostræ omnium ordinum Cives, qui lætantem non ita pridem novellum Doctorem Dn AUGUSTUM VARENIUM, vestrum, honorifica vestra præsentia non destitistis, agite, & eidem, cujus hodie versa est in luctum cythara, non deeste, sed comitatu frequentiori, animum Parentis, filiolum primo & unigenitum acerbissimè lugentis, valdè prostratum, Vos quam paratissimos erigere voluisse ostendite, rerum vicissitudines observate, & vestræ mortalitatis memores, diu feliciterq; valete.

P. P. 27, Maij. Anno clc lcc L.

✽(o)✽





Academia Prof. olim celeberrimi (RETA, filia magni illius Davidis per quinquaginta annos in hac Aca Prof. eminentissimi & MARGARDES/ natæ amplissimi viri Dn. LA Smedes/ magnorum meritorum & natorij in hac Civitate viri) filiam. stemma paternum, altius adsceruit in Westphalia, ubi proavus JCVAREN civis & pistore reliquiq; ite nominis, si non titulorum phantasi integri tamen, honesti, antiquæ virtutis (qui optimus titulus est) feruntur. ternum habuit M. HEINONEM LIUM Ecclesiæ Ultzensis nunc & vicinarum Superintendentem. Aviam maternam MARGWilhelms/ HENRICI Wilhelm tzensis quondam Senatoris prudenti negotiatoris florentissimi ex CAT Alweins/ præclarorum stemmatum Matriona filiam, prædicti DN. M. CREGELII, CAIAM Fidelissimis sui sexus & status eminenti quam triste his parvuli nepotis, quæ nepte ANNA MARGAR rore p. defuncti suavissima, cui

A 3

